

Gvangjsih Minzczuz Bau

广西民族报 ganhhau: CN45-0036 B.2020 Nd.12 Ng.9 liggaueq gengcej nienz ndwencib ngeihngux

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3452 geiz
Geiz neix 8 banj

Gih Raeuz Doinyoengx Hong Cauhguh Minz- cuz Doxgiet Baenaj Bingzciengz Cungj Guh

12 nyied 2 hauh, gicej daij aenhoih fatboush sinhvwnz Gvangjsih cauhsuh minzczuz doxgiet baenaj youz Swcigih Cwngfuj Sinhvwnzban banh de ndaej rox, daij Cibbet Daih Aendangj doxdaeuj, gih raeuz dangq cukmaenh gij eiqsik Cunghvaz Minzczuz caemh aencingdaej guh diuzsienq daeuz, vihliux gyavaig laeb baenz aenbiengz siujganh hawj vunzlai lai ndaej leih, doinyoengx hong cauhsuh minzczuz doxgiet baenaj bingzciengz cungj guh, gyoengqvunz

gak minzczuz lai raen ndaej leih, lai raen vuenyungz, lai raen sim'onj.

Daj Cibbet Daih Aendangj doxdaeuj, Nanzningz Si senq ndaej an mingz heuhguh aen si guhyiengh daengx guk minzczuz doxgiet baenaj; miz 581 aen cizdij caeug bouxvunz yienghndei daengx guk minzczuz doxgiet baenaj ndaej Gozvuyen haenhndei; 4559 aen cizdij caeug bouxvunz yienghndei daengx guk minzczuz doxgiet baenaj ndaej Swcigih Dangvej, Cwngfuj haenh-

ndei; okyienh 44 aen danhvei guhyiengh ndaw gih guhyiengh daengx guk minzczuz doxgiet baenaj, 163 aen danhvei guhyiengh ndaw gih guhyiengh daengx gih minzczuz doxgiet baenaj; an mingz 9 aen dieggoek songyauq daengx guk minzczuz doxgiet baenaj, 45 aen dieggoek songyauq daengx gih minzczuz doxgiet baenaj.

Geij bi doxgyawj neix, Cunghyangh caeug Swcigih gungh nda 27 ik maenh cienzngaenz hwnghat saujsu minzczuz, lai haeujcoengh dieg saujsu

minzczuz comzyouq gunggheng duetgungz; Swcigih roengz 53.26 ik maenz haengrengz hwngh dieg henzguk hawj vunz fouqmiz.

Daj bi 2019 doxdaeuj, gih raeuz guh ndei hong songyauq minzczuz doxgiet. Haeujlaeg bae vat ok 300 aen gojgaeq bouxyienghndei laemxsim buekguh minzczuz doxgiet baenaj. Cauhlaeb 10 lai aen fuzvu cunghsinh, guh ndei hong guenleix fugsach bouxriuzdoengh saujsu minzczuz.

(Cough Goh)



Daengz Mbanjcuengh Senhconz Faplwd

12 nyied 5 hauh, Swcigih Genhyuzgiz daengz giz lienzhaeh bangfuz bangungz Yungzanh Yen Banjgyauz Yangh Gyanghbenh Cunh guh aen hozdung "senhconz fazci haeuj ndaw mbanj", ok rengz daeuz senhconz 《Cunghvaz Yinzminz Gunghozgoz Yenfa》《Cunghvaz Yinzminz Gunghozgoz Minzfaz Denj》《Fap Gagguenj Dieg Minzczuz Cunghvaz Yinzminz Gunghozgoz》daengj. Youh yienhciegz, 200 lai boux vunz Bouxcuengh dangdieg daeuj cam faplwd. Liujcough Genhyuz ndawde boux gag nyienh bujfaz de fat 600 lai cek senhconz swliu hawj vunzmbanj, dangciengz han vunz cam faplwd 60 lai baez.

(Vangz Yinz Gungj Haijyingh)

Gih Raeuz Guh Gunghcwngz Cauhmoq Gohgi "Sam Bak Song Cien" Daezgonq Mauhgvaq Guhsat Gij Hong

Gih raeuz daij bi'gyai 11 nyied haidaeuz guh aen gunghcwngz cauhsuh gohgi "sam bak song cien" doxdaeuj, gyonjcomz rengz cauhsuh, hawj aenbiengz gyalai roengzcienz yenzgiu haifat, gikfat rengz cauhsuh, daezgonq mauhgvaq guhsat gij hong gaxgonq dingh de.

Daj bi 2018 daengz bi 2020 nienzdaej, aen gunghcwngz neix guhdaengz hawj 127 hangh (yinvu 100 hangh doxhwnj) gisuz hungmbwk hamj hwnj mbaek sang, hwnq baenz 111 aen (yinvu 100 aen) bingzdaiz cauhsuh gukgya gaep, ciuyinx caeug gungganq 104 boux

(aen) [yinvu 100 boux (aen)] vunzcaiz caeug aendoih cauhsuh suijbingz sang, gyalai 1184 aen (yinvu 1000 aen) gauhsinh gisuz giyez, cienjvaq 1108 hangh (yinvu 1000 hangh) hongbaenz gohgi hungmbwk.

(Lij Sinhyungz)

SIUSIK DINJ

● 12 nyied 4 hauh, aen hozdung "buekguh ndei lai—langhbaej cozbij meijsuz gunggheng duetgungz" youq Gvangjsih Suhvayen Meijsuzgvanj hainduj langhbaej lo. Baez langhbaej neix yaeq guh daengz bimoq 2 nyied 7 hauh; gungh baijok gyawj bak yiengh cozbij ndei meijsuz, suhfaz youz daengx gih 65 boux canghveh canghsijcih cauhsuh'ok de.

(Cangh Denhyin)

● Bujbwz Yen bi 2016 daengz bi 2020 guh 702 aen hanghmoeg sezsih giekdaej gunggheng duetgungz, guhsat gij hanghmoeg gungh roengz 2.72 ik maenz, 17.6 fanh vunz ndaej leih. Ndawde guh 556 aen hanghmoeg roensuijniz lajmbanj, gungh raez 568 goengleix; guh 48 ga giuz; guh 94 aen hanghmoeg suijli naz; guh 4 aen hanghmoeg lajmbanj gwnraemx ancienz, hawj 2640 vunz mbouj you gwnraemx.

(Maj Gijcungz)

● Ciuq Swcigih Caizcwngdingh gyoepsueng, daij "cibsam haj" doxdaeuj, gih raeuz yungh ndei gij rengz dazyinx youz Swcigih cienzngaenz cienhangh hwnghat lijyouz langh ok de, bi 2016 daengz bi 2020 gungh nda 26.8 ik maenz, haeujcoengh hwnqguh ndaw gih gij hanghmoeg lijyouz hungmbwk de, baenzsaeh lai raeuh.

(Cough Hungzmeiz)

● Ciuq Nanzfangh Denvangj Gvangjsih Denvangj Gunghswih naeuz, daij Cibbet Daih Aendangj doxdaeuj, Gvangjsih Denvangj Gunghswih gungh roengz 560.3 ik maenz gajcauh hwnjmbaek denvangj lajmbanj, ndawde roengz 300.4 ik maenz guh denvangj lajmbanj dieg gungzhoj.

(Danz Cozvwanz)